



制語

知州制

昔先王之法導民以德齊之以禮而有耻且格後世不
及然破觚以為圓斲雕以為樸禁用疎闊而吏治蒸蒸
不至於姦猶為近古朕甚慕之今能與吾共成此理者
其唯循良之吏乎以爾為能與在茲選使刑罰清而風
俗美爾能善於其職則明考察而公賞勸朕豈感於必
行其尚自強方觀爾効

知河陽制

盟津冀豫之域皆河向洛成率之間天下之重地也山

川之固為國屏翰分土而治非文武之特曷可以當選授哉某少材進技閱試已乎俾仍近班往祗職服有生齒之衆屬爾撫和有連營之師待爾發輯尚茂精衷之效庶寬西顧之憂

知軍制

開建城壁本以輕治軍旅今四方既平而假守之臣實任民事列於有土之官知樹北並邊寄屬尤慎爾以選擇在祗朕命夫能宣宗恩感以俯循吾人而懷附異俗則為善於其職尚思爾兩守無替訓辭

通判制

爾有治中以彼助其基又將紀報務舊矣今列城之守皆

有貳焉蓋亦其任也爾以考擇往祗朕命尚思爾職報朕恩

罷館職加官制

夫為官擇人秀其名者必任其事而儒館之設有位雖而無分能使學士大夫將何以效其實數是用命爾進階一等而罷其虛稱其有異能朕將明試以功庶爾之材得施於用以成朕招俊又康庶位之意焉其尚懋哉

賞功制一

王師西封爾能奮力行陣斬敵首敵稽諸賞典宜進官崇爾尚勉哉益圖來効

賞功制二

撥甲執兵人之重任賞信而速所以勸功爾爰整我師
徂征西土大戮醜類來獻厥俘圖爾之勞進階一等尚
懇奮勵以佇異恩

團練使駙馬都尉制

天長公主吾姑也位號禮服褒崇光大國有彛章蓋其
下嫁必得勲閥之門良能之士然後可以成先帝愛育
之仁而稱朕隆崇之誼某貴舊家子內外行完是用選
見于廷命之進尚團兵重任倅馬美名兼而授之蓋稽
故事夫恭儉清慎可以保令問而綏寵祿茲惟朕訓汝
焉勉哉

磨勘轉官制一

吏之在位者積歲月之勤應有司之格必有甄進以明
勸獎此國家之典也今序爾之勞遷位一等徃思祗服
以稱朕恩

磨勘轉官制二

朕謹名分正官守以董齊百工至其有試用之勞無踐
履之玷則皆稽其歲月法有甄進所以使吾勤事之吏
知所勸也今有司比爾之課應於遷格宜升階品以乞
新書其服朕恩徃思來効

軍功制一

惟羗稔惡世盜西疆理將殄除內自生變致天之伐非
朕敢私爾躬提偏師摧陷醜類震動河外宣明國威破

竹之功成在旦夕賞不逾月朕尚遲之用遷爾官以勵衆士能殲大憝當有異恩

軍功制二

河外之地我之舊服羗能靖縱則以畀之今其將亡自相戕害爰命討伐蓋將天威某沉勇有謀提兵以出獻俘斬馘屢奏厥功擢進使名以昭信賞能殲首惡尚有異恩

軍功制三

朕惟羗之倡狂內相賊殺致天之伐爰命六師止除罪人復吾故地而已爾握兵而出屢以捷聞蓋夫軍賞之行連則衆勸是用進爾之秩以激士心尚有不次之恩以待凱還之喜

新及第授官制

朕立學以養天下之材設科以進其造秀之士其於教導推擇欲成美俗於四方得群能於庶位者可謂盡其意矣爾以經行文學選自朕躬命以一官將觀汝效往祇厥敘思稱朕恩

責將制

汝始以微功進朕不次用汝而屬之守邊乃冒吾法出蠻夷之中發人採金無出入之籍有侵盜之刑朕惟不欲數使遠人煩於遠繫獄也寧失汝罪不究窮之

堂後官轉官制

吾調兵于外而饒令節制之繇中出者汝以宰屬與於
治文書赴期會能辦吾事進秩一等以獎爾勞尚思恪
勤無墜厥守

詔

勸學詔

朕惟先王興庠序以風四方所以使學士大夫明其心
也夫心無蔽故施之於己則身治而家齊推之於人則
官脩而政舉其流及遠則化民成俗常必繇之古之所
以長人材厚人倫若日本是而已朕甚慕之故設學校重
學官之選而厚其祿以凡欲以誘誨學者庶幾于古也而
在位者無任職之心承業者無慕善之志至於師生相

冒挾賂為姦器訟置然時以于衆聽而况欲倡率訓導洽
于禮義磨礱陶冶積於人心使方聞脩潔之士克於朝
廷孝悌忠篤之風行於鄉邑其可得乎朕甚憫焉故更
制博立而講求所以訓勵之方定著於令以為學制予
樂育天下之材而庶幾先王之治者可謂至矣自今有
敦行誼謹名節肅政教出入無悖明于經術者有司其
以次升之使聞于朕將考擇而用之以勸于爾衆士有
偷懦怠惰不循于教學不通明者博士吾所屬也其申
之以誘導使其能有易於志而卒歸於善固吾之所受
也予既明立學之教具為科條其於學者有獎進退黜
之格以昭勸戒至於學官其能明於教率而詳於考察

有得人之稱則得以信賞若訓授無方而取舍失實亦將論其罰焉明以告爾朕言不欺尚其懋哉無詒爾悔

勸農詔

夫農衣食之所由出也生民之業莫重焉一夫之力所耕百畝養生送死與夫出賦稅給公上者皆取具焉不幸水旱螟螣之蓄往往而有可謂勞且艱矣從政者知其如此故不違其時不奪其力以使之明時之因析以授之差地之腴瘠以處之春省耕秋省斂以助之詩曰饁彼南畝田畯至喜言上所以勞之也又曰駿發爾私終三十里言上所以勸之也其獎厲成就之者如此朕自承天序內重司農之官外遣勸農使之使為之弛力役

均地征修水利或一雨愆期則憂見於色或一穀不成則為加惻有復除之科有賑恤之令夙夜孜孜勞心焦思者允以為農也今耕者衆矣而尚有未勉墾田廣矣而尚有未闢豈拊循勸率有所未備歟抑吏怠而忽不能宣究與有司其於農桑之務益思所以除害興利詔令已具者無或雜闕所未盡者勿憚以聞要使緣南畝之民舉忻忻然樂職安業洽於富足稱朕意焉

正長各舉屬官誥

蓋聞堯之治曰百姓昭明舜之治曰四門穆穆然則當是之時在位皆君子其是非不惑可知也故堯欲釐百工舜欲熙帝載求可任者皆訪諸四岳因四岳以命禹

又因禹以命稷契臯陶因羣臣之臣僉曰以命垂益伯夷因伯夷以命夔龍其審官用賢不自任其聰明而稽之于衆如此然存於書二帝所命者羲和九官十二牧皆官之正長也至於屬官則未有二帝嘗命之者其遺法之可考則周穆王命伯景爲大僕正戒之曰慎簡乃僚無以巧言令色便僻側媚其惟吉士則自擇其官之屬者官之正長之事比先王之成法也漢魏以來公府郡國亦比自辟其屬而唐陸贄請使臺省長官自擇僚屬蓋上下之體相承如此以周天下之務此古今之通理也今朕董正治官始自三省至于百工皆正其名夫使在位皆君子而是非不惑此朕素所以厲士大夫也

故凡官之長貳朕既考擇而任之尚書政本也自郎已下用吏甚衆其令僕射左右丞尚書侍郎各於其所部直有未備皆舉二人以聞朕付擇而用之其未用者亦識其名以待用朕稽于古以正百官稽于衆以求天下之士其勤可謂至矣唯官之長貳之臣皆朕所屬以共成天下之治其尚休朕意庶幾惟公以應朕之求所陳惟實以嚴朕之詔其得材之士有司其各以等差具爲賞罰之格朕將率而行之賞吾不恪罰必無推非獨搜揚幽滯庶幾爲官得人亦將以觀吾六臣之能使朕得與衆士大夫合志同心以建天下之社作則垂法行之于今以詒後世追于先王之遺憲無令唐虞有周專美

千古不其美哉咨爾庶位其諭朕意

賜高麗詔

蓋聞在昔夏后分天下為五服地有遠近故治有詳略而聲教之盛東漸于海朕其慕之願德不明何以逮此而爾東國之君欵誠內附數遣使者乘不測之川敵其方貢惟爾之義朕實寵加宜有異恩以稱勤恪而爾比緣履病以醫為請眷然東顧朕預憂之是用擇遣方技之官具舟以往爾惠被一方神明相祚藥劑所補以時康寧達于予聞欣慶方屬而遽馳僚使來致謝章覽以慰懷獎勸良厚爾乃自祖以來保乂彼土其尚頌精神強飲食格于眉壽以均福于有衆使爾有世濟其美之功而朕預聲教及遠之休其始自今未孚于好

策

擬代廷試進士策問三首

策問一

朕有志於甲漢唐之治而欲比迹於唐虞三代之盛故於書無所不學而通其意於天下之事無所不講而極其本末於人之材長養成就之者甚厚求而用之者甚至於民之務憂勤思念者甚詳撫而綏之者甚力患風俗之敝也正己以先百姓而明於教示惠政理之陋也稽古以定制度而謹於持循欲斥文疆土勞於經武欲懷附夷狄也廣於推恩人之所欲者不敢違人之所惡

者不敢強賞不敢以喜而濫刑不敢以怒而淫群臣之
進對者夕請而朝見之四方之奏事者旦入而暮報之
未嘗有聲色之類未嘗有改遊之好不營宮室不崇苑
囿衣服飲食取真而已兢兢業業不敢暇逸日慎一日
十有六年于茲矣惟先聖王之烈雖自視歆然察其用
心如朕者亦可以無憾矣然古之大有為之君必有大
效於天下至於小能小善亦各有小補焉矣獨至於朕
也意亦焉而功夫見於入行亦勤而德未見於世豈所
謂是者非歟所謂能者否歟抑所行者為可止歟所舍
者為可用歟將在位者奉承朕令苟為空文而不務究
實朕意欽意者今去古遠先王之政不可以復歟凡朕
之所為繇前者其失安在宜於今者先後施設其要如
何唐虞三代之所以成功德者孰近於今可推而行之
漢唐之卑者孰存於今可革而去之其悉心以對朕將
白擇

策問二

夫有二南之化則有羔羊之大夫兔置之士廣漢之女
其成人之材則見於思齊其成物之性則見於行葦蓋
王者之治繇近及遠其效如此何其風俗美而流澤深
也今朕躬禮義以先天下恐其未諭也崇庠序以導之
縻一作靡爵賞以勸之患其不從也以政率之以威董之
可謂盡心矣然朝廷之臣未能有素絲之節正直之行

中林之士未能有慎獨之心女子之類未能有翹翹之絕况於有德有造成人之材牛羊勿踐透物之性可望其髣髴乎朕於士民備精刻克作意以待其善而天下靡靡便文苟偷而已何其習之難變也夫先王之教其本宣易於身先之其具豈易於崇庠序縻爵賞修政刑以將之與今之所務者同也然以今方古違後之效異何也豈今之所知者不明所尚者不審歟抑人散久矣不可以復化歟子大夫待問于廷其以經對

策問三

朕獲承祖考懼德不明故小人之事躬親省決以夜繼日不敢自暇而政未加善側身踐行兢兢業業不敢自逸為天下先而俗未加厚崇庠序之化信賞罰之法以開導而士未加勵闡農惠商補其乏闕除其疾苦以勸助而民未加富礪器械教士率所以經營之者甚具而武事未立也定制度正官號所以彌綸之者至備而文治未洽也至於百工未昭彛倫未敘四民未盡得其職萬物未盡遂其性中國之勢或詘於夷狄九州之地未一於舊服是一皆戾古豈朕之不敏所知者非其要所繇者失其統歟抑群臣之在事者不稱其任不能輔任歟將乖繆之習久更革損益之始其功難見歟朕之待物者未嘗不以誠而下之應上者皆文具而已是何故也意朕之所為與古之所以致治者無異而其效之不

同何也二帝三王秦漢以來迄于唐及五代雖功德有間然其所以治且昌與夫所以衰亂失之者其跡可考其原又有在方其治且昌也所繇之路先後本末其一致歟抑有殊也其衰亂失之也浸漸積累所以致之一揆而已邪抑不然也知古今明治亂子大夫之職也其具著于篇朕將親覽

元豐類藁卷第二十六

元豐類藁卷第二十七

九世孫又受重刊

表上

謝中書舍人表

伏承制命授臣試中書舍人者甫上程篇遽塵寵任載惟遭遇倍集兢慙中謝蓋聖君難諭之情將欲施於號令得當世能言之士然後達於文辭矧今綱理四方彌綸庶政肇惟新之王度備久簡之官儀計謀常越於拘牽注錯舉為於希闊豈伊允庶可測高深方當覺悟邇使徧知於上意訓齊內外用丕變於群心尤資演暢之材盡曲丁寧之旨布為邦典茲謂人文顧在臣愚豈堪此選伏况皇帝陛下超逾千載特起一時躬堯帝之

聰明而不忘講學集成湯之勇智而無勸咨詢惟左右
前後之臣有耳目腹心之寄尤非淺識所可叨居如臣
性寔滯蒙詭非廣博知自強於名節恥陰附於貴權無
因緣毫髮之扳援有積累丘山之忌嫉晚逢睿聖獨賜
收憐褒加特異於常倫進用每從於中出猥以五朝之
大典屬於一介之孤生已愧缺然將安稱此敢期誤寵
仍實近班敷導訓辭懼空疎之難強追參諷議憂寒淺
之易窮於風波流落之餘以蒲柳衰殘之質自循涯分
曷副恩榮雖日月之光何加於潤色而天地之德無待
於論思然臣素堅好古之誠粗識愛君之義既抗顏而
就列敢恕已以懷私謹當尋繹舊聞用闡揚於名今激

昂懦志庶補助於謀猷仰答主知誓殫臣節臣無任

齊州謝到任表

伏奉勅命就差知齊州軍州事已今月十六日到任上
訖顧以諸生備茲煩使據非其所懼不克堪中謝伏念
臣素乏他長偶知好學議先王之制作嘗究本原論夫
子之文章頗探閩奧歷事聖君於三世與游儒館者十
年不知苟曲以取容但信朴愚而自守比緣私計請貳
外藩差疾病之餘生困米鹽之細務方指期於滿歲將
垂翼終故棲遽此外遷處之劇郡維般陽之列壤宴季
前之遺區習訐而夸著流風於在昔多盜與訟號難治
於當今比試用於此邦必資求於強吏蓋因能而任官

者不違其分則量力而受位者得竭其材豈伊儒儒之
資可副浩煩之用恐殫精思無補毫分然而繇積累以
冒恩宴養成之有自此蓋伏遇皇帝陛下智周萬物明
照四方在疎遠迂賤之中而察其所守無左右遊談之
助而知其所長故令覆露之仁及此滯蒙之質敢不無
忘夙夜勉盡疲駑行歸于周久自安於直道老當益壯
誓無易於初心仰望闕庭臣無任

襄州到任表

伏奉勅命就差權知襄州已於今月二十七日到任上
訖緣同氣之私恩陳便親之微志就更善郡得侍安輿
謝伏念臣素堅向學之心幸遇好文之主備名儒館

十有三年然而三易外邦五回星歲比亦再過於雙
未嘗一對於清光常存傾軫之誠雖知向日居有戴盆
之勢何以望天而臣昨治濟南最為煩劇野有群行之
盜里多武斷之豪馴致肅清始熄凶殘之害自強柔儒
頗殫竭感之勞今者或就安閑少休疲鈍出觀美俗亦
多漢廣之高入奉慈顏不憫汝墳之瘁茲為竊言敢有
端原此蓋伏遇皇帝陛下獎引士倫推崇世教小藝片
言之善偏長一曲之材皆欲養成未嘗棄廢故令優秩
俯及孤蒙敢不拊慰此民宣明上德永念沉碑之舊自
顧何功未忘投博之勤庶幾小補臣無任
洪州謝到任表

伏承勅命就差臣權知洪州軍州事充江南西路兵馬都鈔轄已於今月二十四日到任上訖無臨便郡獲奉於親闈總制屬城寔兼於故里中謝伏念臣志雖擇等材不過人玩思詩書無出倫之異見遊心翰墨多涉俗之塵言竊食累朝備官儒館智非早悟曾不習於人情學匪兼通固難堪於世用茲緣私請得假善潘惟八換於歲暮已四臨於外服幸遇非常之主未奉燕閒實當難得之時獨無稱效儻獲伸於肝膈冀少益於毫分伏惟皇帝陛下恭儉愛人聰明如古卑漢重之近事慕堯舜之遠圖臣敢不上体聖心勤効備民政奉行寬大方盡瘁於茲特補助高深庶納忠於下米日仰望流宸臣無任

福州謝到任表

伏奉勅命授臣守本官直龍圖閣就差權知福州已於今月初九日到任上訖列職內朝分符督府荷收憐之俯及省孤陋以何堪中謝伏念臣寒薄多艱懇愚少與遇繼承於興運未進望於清光至於九換歲暮常徒外徒四臨州部曾未代還茲者備延閣之美名假東甌之劇郡頽惟同氣亦預改藩位虞人品之輕莫稱主恩之厚然臣最為寒族實奉偏親臣弟既適於遐陬臣愚固難於遠役理當懇請輒奉冒聞雖未賜於矜從亦終寬於借黷頗識事君之義敢忘奔命之恭惟皓首之慈闈抱累年之宿疹牽衣辭訣泣涕分馳計音信之往來殆

將萬里阻晨昏之定省各在一涯足感動於人情况親
逢於孝治草茹弱質素依及物之仁犬馬微誠終冀因
心之恕再念臣撫臨城邑勞問士民皆押處於太寧但
遵行於明詔則臣實慚尸於虛食曷補報於寵靈皆出
誤知致斯冒處伏惟皇帝陛下多能天縱盛德日新躬
神聖之姿而兼容小善獲富貴之極而深達下情在於
德恤之心豈間么微之跡敢不誓殫勤奉匪懈夙宵懃
海徼之幽荒布德音之寬大承流寵寄方自效於驅馳
反哺愚情冀尚蒙於憫惻仰望旒表臣不在

明州謝到任表

勅

臣於去年十二月於江甯府准福州公文送到勅牒

道就差臣推知明州當月十八日於真州據進諫伏准
中書孔目房帖子臣乞迎侍老母赴任不行已於今年
正月二十五日到任上訖預於分土愧在假人竊自省
循懼無報稱中謝伏惟皇帝陛下有聰明睿智固天縱
之高姿有恭儉慈仁不世出之琦行上嘉堯舜之際下
悼漢唐之間以慈曠之迹為可追以苟簡之治為無取
甚盛德之事敏於絕倫大有為之君審於在已所以更
張廢政憂憫百姓之心至於推廣大恩鎮撫四夷之略
無忘夙夜匪懈斯頌其志之所存則有孔之卓其行之
以力則有禹之勤若天甄序群材蒐揚衆論備一作長
一曲之善半辭片說之工遠自巖穴之幽深旁暨草萊

之疎賤莫不從容賜對以盡其情委曲因能以收其用
可謂三代以後特起之盛時千載以來幾希之嘉會而
臣濫中臺之優秩玷內閣之美名然而存存十年周流
六部當陛下開四門以延天下之士而臣未得一望於
清光偶陛下開數路以來天下之言而臣未得少磨於
末議蓋茲遠跡最爾多奇故雖抱於愚忠每自安於靜
晦竊恃皇明之必照終期素畜之獲伸昨者爰自江吳
就更聞粵嗜有畏塗之阻藐無將母之因賴上威靈致
寇攘之熄滅屬時休慶獲據稿之豐登既以蒙成且將
深葭輒露由衷之請果紆及遠之仁召自天涯還之關
下已慰借陔之念更藉旌德之誠方擬鬱以在行復分
特而補外維鄞江之列壤寔浙右之名邦素號寬閒可
容尸素尋敷陳於奏牘冀迎奉於輶輿罔是微情未回
洪造已宵行而祗命甫夕惕以當官眷是遐陬遠此昭
旦來廷之國實為出入之途表海之城方始經營之筮
仰荷選掄之寄敢忘策勳之勤矧皆稟於成規庶可圖
於薄効再念臣比更遠守久去偏親出自推息幸茲易
地環走已臨於新部相望惟滄於舊封仰晞天日之光
未親戶牖俯計晨昏之戀尚隔庭闈眇是驛單了無黨
助每益堅於已志獨有待於主知自効驅馳敢廢資忠
之義庶依長育未愆致養之私傾葵藿之一心極蓬茹
之丹懇論壽有在之死無渝仰望冕旒臣不任

亳州謝到任表

伏奉勅命就差權知亳州軍州事已於本月十六日到任上訖此從閩粵中易句章益起堅城以強表海之勢閑開列館以待來廷之客承規畫之餘少怡經營之緒程工省費俾無糜散之材計力與廉俾無發召之後以至屬材能而董事分什伍以充使已略具於科條可粗施於士吏身方習作匪懈於服勞法有避親還家於易地竊陪京之寵寄申特母之微清輒言恩榮何堪報稱中謝臣竊觀前籍所載千載以來大道鬱而未彰莫承于古王者疏而不作無甚茲時在理可推久衰必復去五代八姓凌微之弊肇自宋興承一祖四宗不顯之

在陛下蓋繇休粹精之廉質執剛健之純誠運獨漸之明則天清水止昭不殺之武則雷厲風行故能並起百工越熙庶績追二帝三代之甚盛行兩漢有唐之所難使天地入神莫不順序兩暘寒燠罔或違時厥戴德者田耕井飲之倫蓋游泳於遐迩之內其蒙澤者登潛姬伏之類無殞殖於胎卵之中寶鼎靈芝聲沈於樂府采雉嘉穀實羽於太倉至於武庫斂歲之兵羽林閱習之伎匠盡其巧而工妙擅於一時士盡其材而精銳軼於近代威靈所覆夷貉允懷是以扶桑戴斗之區度索尋撞之國來於四海之外曾無一歲之虛蓋令不待期而萬里奔走治非有跡而九域阜安可謂不世之宏

休難名之盛烈夫應之福者既極其厚則報其貺者必
盡其隆方當秋盛禮大樂之文薦諸清廟采增封禪
之義類于名山於以較著日新放出之顯庸闡布天錫
永昌之大業臣性姿固塞人品妙微獨於輩流素嗜文
學如得錢諸金玉述陛下赫赫之功播在莞絃紀陛下
巍巍之德措之六藝而無愧告諸百世而無疑庶幾不
後古人可以昭示來者存於肺腑積有歲時然臣籍隸
預於內朝身屢更於外服已彫零於齒髮久轉走於東
南曾未得願望塵於清蹕之間參第頌於從官之後惟
堅惓惓欲効毫分今者獲便養於親闈預分憂於輔郡
上体焦勞之意敢忘夙夜之勤宣化永流方盡駑駘之
力望雲就日但傾葵藿之心注仰冕旒臣無

賀熙寧四年明堂禮畢大赦表

今月十三日樞密院遞到赦書一道以宗祀明堂禮畢
大啟天下臣已即時集軍州官吏將校等宣布訖代以
奉承聖考亦配上天秩盛禮於法官推大息於率土中
賀伏惟皇帝陛下有聰明好古之質有恭儉愛人之誠
兢畏萬機仔有一德燔柴長報既昭告於元功嚴父至
隆又推明於極孝越成釐事均布鴻休草木昆蟲皆令
受賜華夏蠢貊莫不歸仁臣心係北辰身縻東土永懷
故事難求汶土之圖獨遠清塵方嘆周南之滯想望旒
袞臣無任

賀熙寧十年南郊禮畢大赦表

今月初七日遽到赦書一道以十一月二十七日南郊禮畢大赦天下者臣已集軍府官吏將校軍民等宣讀訖伏以人之所歸者莫如德天之所享者在於誠其惟聖王克有全美中實伏惟皇帝陛下聰明稽古承繼祖宗慈惠愛人撫臨邦國有徧覆并容之大度有防微慎獨之小心不從遊畋不近聲色無紛華盛麗之好無便僻側媚之私歲時吉蠲以承七廟左右順適以奉兩宮其功施於人効見於事則宅仁由義措紳之徒成村於學校超距躅鞠熊羆之族養勇於管屯既塞汚邪之收充於倉廩開通和鈞之利阜於市廛家有豫樂之聲人

無愁怨之色協氣所召休應自殊鈞陳太微星緯咸若

崑崙渤澥波濤不驚近則金石之聲音一作鳥獸忻盜遠

則干羽之舞蠻夷駸奔象齒旅於闕廷龍媒納於閭廐

是謂六府三事皆可以訶四海九州罔不率俾蓋魏魏

而特起非瑣瑣之能闕前世議泰山之封謀梁甫之禪

者度崇比大疇克登茲陛下抑而不圖謙以自牧以謂

先后一作玉創業垂統其功莫得而名上帝墮社發祥其

德無可以稱思所以報一本於心故寅畏嚴恭積之有

素而齊明薰被進而益虔在於物者不取其煩盡諸已

者必求其寔是以蕭光之烈奏於宗祊柴燎之蒸煇於

郊兆幽隱昭答神靈顧懷無疆惟休方寢昌於萬世不

敢專享故敷錫於群元稽參典彙定著赦令弛張從理
同異稱情蠲罪肯而棄瑕疵錄勞能而縱逋負顯晦咸
暨洪纖不遺萬國之歡既交於冲漠一人之慶遂及於
蚊孺乎于上下之間極乎帝王之盛臣被學景舊蒙恩
寢深莫侍甘泉之祠獨嘆周南之滯第從臣之加頌未
効薄材望屬車之清塵但馳遠思想仰宸扆臣無任
賀元豐三年明堂禮畢大赦表

今日二十日樞密院述到赦書一道以明堂禮畢大赦
天下者已即時集軍州官吏軍民宣讀訖竊以昊天無
聲之載人莫能名先帝罔極之恩物何以稱維絃章之
正位秩宗祀之鳴儀可薦至誠用伸昭報中賀伏惟皇

帝陛下躬夙夜之聖質而博古多聞經特起之大猷而
虛心廣覽振千齡之墜緒紹三代之遐蹤霈澤之所所
涵濡太和之所煦嫗華夏蠻貊無一夫不獲其宜草木
蟲魚無一物不遂其性爰求祭典用告王功蓋諸儒之
說為不經則折衷於孔子而近世之事為非古則取法
於周公罷黜異端推明極孝以尊莫大於祖故郊於吉
土以配天以本莫重於親故享於合宮以配帝恩義兩
得其當情文皆盡其詳徹俎云初均釐甚廣君哉皇矣
實難偶之昌期巍乎煥焉信非常之盛禮臣幸逢熙洽
未奉燕閒一違前蹕之音四遇親祠之慶青雲多士皆
預橋門之聽觀黃髮孤生獨歎周南之留滯仰望旒宸

臣不任

賀克伏交趾表

伏覩進奏院報安南招討司已克伏交趾其首領李乾德具表乞降者螻蟻之微自投必死乾坤之大終許更生惟德及於幽遐實均慶於中外中賀伏惟皇帝陛下順稽古憲敘正民彛聳聲教於四方壹書文於萬國嗜海隅之昧俗肆井底之狂謀聖恩所懷凶氣自失雕題交趾心服於威靈大賂南金歲遵於貢職乞出止戈之武是稱無敵之仁臣遠守藩維獲聞捷奏求懷竊抃寔倍常情臣伏恨職守所拘不獲稱慶闕庭臣不任

慰慈聖光獻皇太后上仙表

今月二十日太皇太后遺詔奄棄宮闈者承問震驚失容號慟臣某誠悲誠感頓首頓首伏以太皇太后表儀三世德首於人倫保佑兩朝功存於王室遽遠孝養未究遐齡無間近踈宴均歆慕伏惟皇帝陛下痛貫宸極聖情難居臣伏恨方守印章不獲躬詣闕庭臣無任

謝賜唐六典表

伏蒙聖慈賜臣唐六典一部者冒貢微誠敢徵寵賚獲盈私望持出異恩中謝竊以繼正觀之造邦維開元之稱治財成唐典本庶務於尚書則象周官綴舊聞於經禮行之當世垂及方來伏遇皇帝陛下接五聖之休期振千齡之絕業號令風采卑秦漢而不言綱紀文章體

唐虞而特起爰因廣覽俯逮遺編俾加鏤板之傳賜
在廷之士顧最疎之庸下忘輟請之妄逾猥荷并容預
均蕃錫敢不自強衰逮悉意闕尋竊典故之緒餘少俾
寡陋審官儀之委曲勵疲駑臣不任

元豐類彙卷第二十七

元豐類彙卷之二十八

表

謝熙寧五年曆日表

進奏院遞到宣頭一道伏象聖恩賜臣熙寧五年曆日
壹卷者竊以振舉菁華推明新曆欲謹天時之正俾諸
人事之宜貌是孤生與均寵錫中謝伏惟皇帝陛下力
行大道俾叙彞倫贊天地而平四時理陰陽而成萬物
爰茲頒朔咸暨有邦臣敢不深究土風詳求氣序躬勸
耕桑之業輔成坯冶之仁仰望闕庭臣無任

謝熙寧六年曆日表

進奏院遞到宣頭一道熙寧六年曆日一卷賜臣收管

者一與外符之寄拜蒙班曆之恩久矣去朝幸茲拜賜
中謝竊以天地陰陽之動不得違時虫魚草木之生必
皆有政故茲告朔宣布有邦伏惟皇帝陛下兢慎萬幾
協諧五紀式謹王正之授俾知民事之常臣敢不動靜
詳觀夙宵祇奉庶召和平之氣用禪化育之仁臣不任
謝熙寧七年曆日表

進奏院遞到宣頭一道賜臣熙寧七年曆日一本者願
漸孤拙與被寵靈中謝竊以陶唐之定四時稽于曆象
虞氏之齊七政審以機衡蓋求於天道者能盡其宜則
施於人事者不違其序伏惟皇帝陛下聰明好古仁厚
愛民深原制作之方務協生成之理在於垂憲尤重頒
正臣久去闕庭遠臨藩服惟竭遵承之力庶符欽順之
心臣不任

謝熙寧八年曆日表

進奏院遞到宣頭一道賜臣熙寧八年曆日一本者願
以治曆于中所以察天時之運動班正于外所以一王
度之推行舉是彝章施于有土中謝伏惟皇帝陛下至
仁不世盛德無名協五紀以遂群生合二儀而成萬化
迺明告朔咸俾守藩臣敢不悉心究詳勵精遵奉庶盡
承流之効俾無作事之違仰望闕庭臣無任

謝熙寧十年曆日表

進奏院遞到宣頭道熙寧十年曆日一卷賜臣者竊以

推行歲時天道所以化育考正曆度人事所以財成故
頒朔之舊章為守邦之先務伏惟皇帝陛下德兼載壽
仁及昆蟲體履中和叙九疇而開物欽明象數齊七政
以導民臣獲奉王正親承聖詔念闕庭之方遠藐然江
上之身感星晷之爰新高嘆周南之滯仰望旒宸臣不任
謝元豐元年曆日表

進奏院迺到宣聖道賜臣元豐元年曆日一卷者一遠
關庭十移星曆顧凋零於齒髮無報補於毫分中謝伏
惟皇帝陛下叙大禹之九疇齊有虞之七政陰陽寒暑
罕不若時草木昆虫舉皆遂性循用頒正之典寵詒分
土之官臣幸備守藩預聞告朔去親方遠已驚歲月之

新許國雖堅更嘆功名之晚惟體在民之意庶禪及物
之仁仰望冕旒臣不任

謝元豐三年曆日表

進奏院迺到宣聖道賜臣元豐三年曆日一本者竊以
脩人事者必也正時明天道者在於治曆受後頒布俾
一奉承中謝伏惟皇帝陛下則大君尊軀元契命或六
府三事之叙合志於虞遂八政五紀之宜同方於高是
道人統用謹王正獲以守邦預於受朔勸幽土耕桑之
業方務承流采堯民作息之歌庶知戴德仰望旒宸臣
不任

進奉祀寧八年同天節功德疏表

伏遇皇帝同天節臣預於本州天慶觀鸞嶺興化禪院
大殿上建置道場一月日及設齋功德疏各一軸金鏡
銀軸頭紅羅複封全上祝皇帝聖壽者竊以績禹撫期
蓋自天而開迹生商華祚實與世以為歸故預託於坏
銘皆永思於戴燾中賀伏惟皇帝陛下性由仁義德倍
聖神維候紀於長羸屬祥開於震夙是敢致嚴道妙嚮
意佛乘庶將不轉之心用獻無疆之壽臣無任

英宗實錄院謝賜御筵表

伏蒙聖慈以臣等編脩英宗皇帝實錄今月十四日開
局賜臣等御筵者方次舊聞已叨優禮省楮非稱慚負
失容中謝伏以先帝功德之殊將傳後世儒者文章之
用正在此時猥以空疎誤當屬任甫磨鉛而就職遽置
醴以均恩寵異群司幸論素望此蓋伏遇皇帝陛下永
懷先烈務廣孝思故因始於信書俾特豐於燕豆所懼
不能名乾坤之至德慕日月之大明上以副陛下顯親
之心下以盡愚臣歸美之志惟粗明於書法度少補於
素餐臣等無任

代皇太子免延安郡王第一表

伏奉制命蒙恩特授臣檢校太尉開府儀同三司充彰
武軍節度使進封延安郡王者寵踰於德愧甚於榮輒
露危誠仰干霄聽臣某誠惶誠恐頓首頓首竊以衮衣
備物禮均上宰之崇土宇分封位列真王之貴非智能

是以謀國勞烈是以及人屬在休明詎容玷冒若臣者
洞然固陋眇爾揮蒙雖甫逮勝衣習為容於趨拜而方
思就傳賴齒學之漸磨庶幾識古今之通方知國家之
大弊施於為已可少持循必也當官親無遺曠已叨分
於將鉞復誤假於公主虛冒鴻私未伸薄効敢圖焚渥
荐及謫微視儀數於三台起膏名於五等既加真食仍
益麥田固非錄善而量能又嬰校勞而數最將安稱此
自頽缺然而况皇帝陛下慶父子之間常先義訓君臣
之際每徇公言伏望察臣精懇之由衷不顧小嫌之反
汗許還新命俯遂微情使臣得盡忠之省於晨昏稍安幼
志報生成於天地更待壯年臣無任

代皇子免延安郡王第二表

伏蒙聖慈以臣所上表陳乞蒙恩授臣檢校太尉開府
儀同三司充彰武軍節度使進封延安郡王特賜批荅
不允者輒布愚衷未回宸聽仰國誨諭並集兢慚臣其
誠惶誠恐頓首頓首竊以明德懿範在天功而有勛隆
名重器為國論之所歸然後材位不浮望實相擇若臣
者夙依煦育生處深嚴雖無好弄之心甫逮垂髫之齒
方圖講學知臣子之大方庶得周旋奉君親之素教敢
意靡緣績用荐被寵靈遂兼將相之榮仍極三公之貴
雖參諸邦典或故事之可循而然以人情實類言之可
畏顧茲冲昧尤積震惶伏况皇帝陛下新代之彞章

革千年之流弊方循名而責課以官方而在人其於明
信賞之科必先於近然則推至公之誼宜始於臣惟
特寢於謾恩可曲全於拙分使乾坤之施不累於私親
則塵露之微庶幾於報上臣不任

代皇子延安郡王謝表

伏奉制命除授臣檢校太尉開府儀同三司充彰武軍
節度使進封延安郡王再奉表陳乞蒙賜批荅不允仍
斷采章者祗齊詔版茲積醜頽蓋亦六於宗藩以威強
於帝室豈伊獎渥可假勿冲中謫以念臣無匪風成村
無特罪傳婦故於鞠育慈親家於一而明欲善在身忘
皇之至弱知書可學真佔與之相也之無餘受教於重蒙

覲獲成能於壯大敢意攬攸司之密啓循歷五之彛章
寵以官儀體均於丞弼殊其爵列秩右於公侯揣稱何
堪踰涯已甚知隆名之難冒迫大號之既行控避莫從
震惶滋集此蓋伏遇皇帝陛下心潛高厚智極精微推
廣愛之仁以隆於父子盡大公之義以薦於君臣故舊
典之當行雖至親而莫間致茲異數猥及謙能臣敢不
仰體聖懷勤遵慈訓省躬擇術庶不蹈於匪彛臨事知
方或可收於近用臣無任

代皇子延安郡王謝皇太后表

伏奉制命除授臣檢校太尉開府儀同三司充彰武軍
節度使進封延安郡王再奉表陳免蒙賜批合不允仍

斷來章者竊以盛威儀於宰路以重朝廷強形勢於宗藩用臨方夏宜蕙獎渥屬在親賢誤及幼冲倍深兢悚中謝伏念臣蒙休宸極託蔭慈闈未闕六甲之書甫在兩髦之歲揆材至薄曾無特異之資知善可遷竊有自強之志已塵高位愧乏微勞詎意仁恩更崇命秩抗等威於元宰躋爵列於真王自顧空疎將安報稱此蓋伏遇皇太后殿下輔成世教陰厚人倫均至愛於諸孫假餘光於穉齒致茲異數猥被謏能敢不自勵童蒙嚮慕日新之益庶幾壯大仰酬坤育之私臣不任

代皇太子延安郡王謝皇后牋

伏奉制命除授臣檢校太尉開府儀同三司克彰武軍

節度使進封延安郡王拜奉表陳免蒙賜批荅不允仍斷來章者異其恩數兼將相之殊榮尊以爵名極王公之寵列雖優隆於天屬必致察於人材假是幼冲懼非宜稱臣某以感以懼叩頭伏念臣性非蚤悟學未少成徒依均養之私甫及垂髫之始已蒙休於帝所獲備位於宗藩豈意慈憐更加褒進夫位崇者德厚祿重者功高而臣無可錄之勞能冒非常之禮秩此蓋伏遇皇后殿下彌綸內治則象坤元惇鞠育之至仁推獎成之素志致滋渥澤誤及童蒙敢不盡子職之微勤無忘砥礪荅母儀之大賜庶補毫分謹奉稱謝以聞臣以感以懼叩頭謹牋

代宋敏求知絳州謝到任表

伏奉勅命差知絳州軍州事已於某月某日到任上訖
備官無効竊寵過優尚聯清近之班仍獲安閑之幸中
謝伏念臣器非宏遠性不枚明徒嗜好於文章寢推移
於歲月濫名儒館接武朝紳與釐坰牧之蕃參蒞神州
之劇進聞邦計出假使符會仁祖之升遐圖信書之示
後起於衰病寄以討論放躋右史之華遂冒西垣之選
惟茲典禮屬在奉當猥用滯蒙首當總領悉心謀慮雖
務竭於愚忠妄意妄通遂自垂於素論寔干昭憲奚追
嚴科荷屈法以申恩止奪官而補外罪浮於罰歟溢於
顏何僥冒之使然寔矜全之有自此蓋伏遇皇帝陛下

乾剛執斷平蕪燕容所屬以政而相之以明付用群材
而養之以起故俾兼榮於近侍尚容竊食於外邦仰戴
生成將安補報敢不服憂夙夜期練達於政經延見吏
民一作斷書以一作書一作布宣於上德度收來效少吞編私仰
望闕庭臣無任

代翰林侍讀學士錢藻遺表

大馬之質難駐於頽齡日月之光尚攀於爨景臣竊慕
悲誠哽頓首頓首伏念臣出於梓族進以護材文辭謬
說制策之科最稱華選儒館掖垣經帷之職世謂清塗
獨偏竊於美名蓋親逢於亨運至於總銓衡之要劓領
京邑之浩頌茂有勞能可論報稱冒寵靈而過厚致災

或以交攻迫霜露之所侵且將漸盡幸髮膚之無毀得
以全歸方去闕庭長投泉壤輒陳遺志猶及能言伏願
皇帝陛下御六氣之和慎調興止享萬年之祚永庇華
亮再念臣偷殘息之僅存謝餘恩之可丐敢祈仁睿察
賜科降臣有男進士崑孫男某親堂弟茂其出寒鄉藉
薄技藝非不棄儻微祿之獲霑魚一作菽可供庶薄
之末餘伏望聖慈並於文資內安排茲一作澤愧在
志難保存歿之孤縱訖始終之大賜生而無益言莫及
於病歿死或有知猶庶幾於結草仰望旒袞臣不任

代太平州知州謝到任表

伏奉勅命知太平州軍州事已於某月某日到任上

訖惟此方彫瘵之舊屬比歲凶飢之餘任在相循懼無
稱效中謝竊念臣受材不敏託勢甚微竊即位之寵名
濫憲臺之優選因蒙中詔獲備外邦方喜便於庭闈遽
已罹於家禍苟全生理復齒班榮用久次而得州以親
嫌而易地低回積日龜勉至官忽被新恩復還舊印江
湖孤蹇之跡道路奔馳之勞甫茲即安敢忘盡瘁自惟
慕爾何以及茲茲蓋伏遇尊號皇帝陛下日月之光旁
照萬物天地之德平施四方猥致妄庸誤蒙器使當力
行於寬惠上副至仁惟少假於寵靈庶成薄効臣不任
代太平州知州謝賜欽恤刑獄勅書表

進奏院遞到勅一道賜臣欽恤刑獄者屬在煩暑聖躬

無倦於焦勞言念繫因恩旨遂加於惻憫中謝伏惟尊
號皇帝陛下繼祖宗之功德體天地之生成發政施仁
恐遺於一物勝殘去殺思厝於五刑謙不自專動遵故
事眷幅負之至廣軫囹圄之未空申明詔以丁寧諦守
臣之撫視豈止奉行於時令固足感召於人和臣與破
德音當宣上意惟盡哀矜之理庶符欽恤之心臣無任

元豐類藁卷第二十八

元豐類藁卷之二十九

疏

熙寧轉對疏

准御史臺告報臣寮朝辭日具轉對臣愚淺薄恐言不
足采然臣竊觀唐太宗即位之初延群臣與圖天下之事
而能絀封倫用魏鄭公之說所以成正觀之治周世宗
初即位亦延羣臣使陳當世之務而能知王朴之可用
故顯德之政亦獨能變五代之因循夫當衆說之馳騁
而以獨見之言陳未形之得失此聽者之所難也然二
君能辨之於群衆之中而用之以收一時之效此後世之
士所以常感知言之少而頌二君之明也今陛下始承

天序亦詔群臣使以次對然且將歲餘未聞取一人得
一言豈當世固乏人不足以當陛下之意與抑所以延
問者持用累世之故事而不必求其實歟臣愚竊計殆
進言者未有以當陛下之意也陛下明智大畧固將比
跡於唐虞三代之盛如太宗世宗之所至恐不足以望
陛下故臣之所言亦不敢効二臣之卑近伏惟陛下超
然獨觀於世俗之表詳思臣言而擇其中則二君之明
豈足道於後世而士之懷抱忠義者豈復感知言之少
乎臣所言如左臣伏以陛下恭儉慈仁有能承祖宗作
禰之德聰明睿知有能任天下之材即位以來早朝晏
罷廣問兼聽有更制變俗比迹唐虞之志此非群臣之

所能及也然而所遇之時在天則有日食星變之異在
地則有震動陷裂水泉湧溢之災在人則有饑饉流亡
訛言相驚之患三者皆非常中之變也及一作從而察今之
天下則風俗日以薄惡紀綱日以弛壞百司庶務一切
文具而已內外之任則不足於人材公私之計則不足
於食貨近則不能不以盜賊為慮遠則不能不以夷狄
為憂海內智謀之士常恐天下之勢不得以久安也以
陛下之明而所遇之時如此陛下有更制變俗比迹唐
虞之志則亦在正其本而已矣易曰正其本萬事理臣
以謂正其本者在陛下得之於心而已臣觀洪範所以
和同天人之際使之無間而要其所以為始一作本者思

也大學所以誠意正心脩身治其國家天下而要其所
以爲始者致其知也故臣以謂正其本者在得之於心
而已得之於心者其術非他學焉而已矣此致其知所
以爲大學之道也古之聖人舜禹成湯文武未有不由
學而成而傳說周公之輔其君未嘗不勉之以學故孟
子以謂學焉而後有爲則湯以王齊桓公以霸皆不勞
而能也蓋學所以成人主之功德如此誠能磨礱長養
至於有以自得則天下之事在於理者未有不能盡也
能盡天下之理則天下之事物接於我者無以累其內
天下之以言語接於我者無以蔽其外夫然則循理而
已矣邪情之所不能入也從善而已矣邪說之所不能

亂也如是而用之以持久資之以不息則積其小者必
至於大積其微者必至於顯古之人自可欲之善而克
之至於不可知之神自十五之學而積之至於從心之
不踰矩豈他道哉由是而已矣故曰念終始典于學又
曰學然後知不足孔子亦曰吾學不厭蓋如此者孔子
之所不能已也未能使事物之接於我者不能累其內
所以治內也言語之接於我者不能蔽其外所以應外
也有以治內此所以成德化也有以應外此所以成法
度也德化法度既成所以發育萬物而和同天人之際
也自周衰以來道術不明爲人君者莫知學先王之道
以明其心爲人臣者莫知引其君以及先王之道也一

切苟簡瀟於流俗末世之卑淺以先王之道為迂遠而難遵人主雖有聰明敏達之質而無磨礱長養之具至於不能自有以自得則天下之事在於理者有所不能盡也不能盡天下之理則天下之以事物接於我者足以累其內天下之以言語接於我者足以蔽其外夫然故欲循理而邪情足以害之欲從善而邪說足以亂之如是而用之以持久則愈甚無補行之以不息則不能見效其弊則至於邪情勝而正理滅邪說長而正論消天下之所以不治而有至於亂者以是而已矣此周衰以來人主之所以可傳於後世者少也可傳於後世者若漢之文帝宣帝唐之太宗皆可謂有美質矣由其學不

能遠而所知者陋故足以賢於近世之庸主矣若夫議唐虞三代之盛德則彼烏足以云乎由其如此故自周衰以來十有餘年天下之言理者亦皆卑近淺陋以趨世主之所便而言先王之道者皆絀而不省故以孔子之聖孟子之賢而猶不遇也今去孔孟之時又遠矣臣之所言乃周衰以來十有餘年所謂迂遠而難遵者也然臣敢獻之於陛下者臣觀先王之所已試其言最近而非遠其用最要而非迂故不敢不以告者此臣所以事陛下區區之志也伏惟陛下有自然之聖質而漸漬於道義之日又不為不久然臣以所作謂陛下有更制變俗比迹唐虞之志則在得之於心得之於心則在學

焉而已者臣愚以謂陛下宜觀洪範大學之所陳知治道之所本不在於他觀傳說周公之所戒勉勉一作知學者非明主之所宜已也陛下有更制變俗比迹唐虞之志則當懇誠惻懼以講明舊學而推廣之務當於道德之體要不取乎口耳之小知不急乎朝夕之近効復之熟之使聖心之所存從容於自得之地則萬事之在於理者未有不能盡也能盡萬事之理則內不累於天下之物外不累紱一作於天下之言然後明先王之道而行之邪情之所不能入也合天下之正論而用之邪說之所不能亂也如是而用之以持久資之以不息則雖細必鉅雖微必顯以陛下之聰明而克之以至於不可知之

神以陛下之虛知而積之以至於從心作心之不踰矩夫豈遠哉顧勉強如何耳夫然故內成德化外成法度以發育萬物而和同天人之際甚易也若夫移風俗之薄惡振綱紀之弛壞變百司庶務之文具屬天下之士使稱其位理天下之財使贍其用近者使之親附遠者使之服從海內之勢使之常安則惟陛下之所欲何求而不得何為而不成乎未有若是而福應不臻而變異不消者也如聖心之所存未及於此內未能無秋毫之累外未能無纖芥之蔽則臣恐欲法先王之政而智慮有所未審欲用天下之智謀材譖之士而議論有所未一於國家天下愈甚無補而風俗綱紀愈以衰壞也非

獨如此自古所以安危治亂之幾未嘗不出於此臣幸蒙降問言天下之細務而無益於得失之數者非臣所以事陛下區區之志也輒不自知其固陋而敢言國家之大體惟陛下審察而擇其宜天下幸甚

劄子

自福州召判太常寺上殿劄子

破黜州

伏以陛下聰明睿知天性自然可謂有不世出之姿自在藩邸入承顏色出奉朝請怡怡翼翼不自暇豫至恭至孝聞於天下及踐大位內事兩宮外嚴七廟仁被公族德形閨門嬪御備官不淫於色音樂備數不溺於聲食菲衣綈務遵節儉臺軍園小無所增飾近習無便嬖

左右無私謁未嘗言出遊幸未嘗後畋魚其於憂憫元元勤勞庶政則念慮先於兆朕祇慎盡於纖芥晝而訪問至於日昃夕而省覽至於夜分每群臣進見接之禮篤而情通凡四方奏事莫不朝入而暮報雖大禹之勤于邦文王之不暇食無以加此其淵謀遠畧必中事幾善訓嘉謨可為世則者傳聞下土雖僅得其一二已足以度越衆慮非可闕測可謂有君人之大德其高深宏遠則憫自晚周秦漢以來世主不能獨出於衆人之表其政治所出大氏踵襲卑陋因於世俗而已於是慨然以上追唐虞三代荒絕之迹修列先王法度之政為其任在己可謂有出於數千載之大志變革因循號令必信使海內觀聽莫不震

動群下遵職惟恐在後可謂有能行之效蓋刻意尚行
不差毫髮縉紳之士有所不能及憂勞惕勵無懈須臾
又非群臣之所能望可謂持起於三代之後非常之主
也愚臣孤陋熙寧二年出通判越州因轉對幸得論事
敢據經之說以誠意正心脩身治國家天下之道必本
於學為獻逮今十有一年始得望穆穆之清光敢別白
前說而終之臣以謂陛下有不世出之姿有君人之大
德與出於數千載之大志又有能行之效特起於三代
之後然顧以治國家天下之道必本於學為獻於陛下
何也蓋古之聖人雖出乎其類拔乎其萃然至其成德
莫不由學故堯舜性之也而見於傳記則皆有師其史

官識其行事則皆曰若稽古至於湯武身之也則湯學
於伊尹武王學於太公見於詩禮孟子在商高宗得傳
說作相其命說之辭曰予小子舊學于甘盤而傳說告
之則曰學于古訓乃有獲又曰惟學遜志務時敏厥脩
乃來又曰惟敷學半念終始典于學蓋高宗既已學于
甘盤矣及傳說相之乃更丁寧反復勉之以學其要歸
則以謂當終始常念于學明學蓋不可一日而廢也至
於孔子之自敘則自有十五而志于學至於七十而從
心所欲不踰矩夫以孔子之聖必至于學其學之漸每
十年而一進至于七十矣其從心也蓋不踰矩則傳該
所稱當始終常念于學者雖孔子之聖不能易也故楊

子曰學之爲王者事久矣堯舜禹湯文武汲汲仲尼皇
皇其已久矣聖賢之篤於學至於如此者蓋樂而不亂
復而不厭者道也測之而益深窮之而益遠者聖人之
言也知不足與困者學也方其始也求之貴博畜之貴
多及其得之則於言也在知其要於德也在知其奧能
至於是矣則求之博畜之多者乃筌蹄而已所謂多聞
則守之以約多見則守之以卓也如求之不博畜之不
多則未有於言也能知其要未有於德也能知其奧所
謂寡聞則無約寡見則無卓也子貢稱孔子之學識其
遠者大者則於言也能知其要於德也能知其奧然後
能當於孔子之所謂學也審能是則存於心者有以爲

主於內天下之事雖其變無窮而吾所以待之者其應
無方古之大有爲於天下者未有不出於此也堯舜湯
武所以爲盛德之至孔子所以從心而不踰矩或得其
行者未得其所以行得其言者未得其所以言孟子之
所謂聖而不可知之謂神在是而已矣陛下萬幾之餘
日引天下之士推原道德而講明其意陳六藝載籍之
文而細繹其說博考深思無有解倦其折衷是非獨見
之明老師宿儒所不能到此臣之所聞也有不世出之
姿與君人之大德又有出於數千載之大志特起於三
代之後此臣之所知也則陛下之學已可謂至矣然臣
區區敢誦經之陳言以進於左右者誠將順陛下之聖

志采傳說始終典學之言觀孔子少長進學之漸以陛下之明智知言之要知德之奧皆陛下之所素畜誠以陛下之樂道而繼之以不倦以陛下之稽古而加之以不已使天性之睿智所造者益深所積者益厚日日新又日新其於自得之者非徒足以待萬事無窮之變而應之以無方天下之人必將得陛下之行者不得其所以行得陛下之言者不得其所以言堯舜湯武所以為盛德之至孔子所以從心而不踰矩孟子所謂聖而不可知之謂神不在於陛下而就在此哉繇是歛五福之慶以大賚庶民享萬年之休以求綏方夏德厚於天地名昭於日月惟聖意之所在而已臣愚不敏蒙恩賜對不敢

率舉叢細之常務而於國家之體冒言其遠且大者此臣所以愛君區區之分也伏惟留神省察

元豐類稿卷之二十九



